



Cheeb Tsam Pas Xis Fiv (Pacific) Sab Hnub Poob Qab Teb

Forest Service Tsab Xov Xwm Tshaj Tawm

Cov Lus Nug Ntawm Zej Tsoom Sawv Daws:

<https://www.fs.usda.gov/main/r5/about-region/offices>

Tus Nab Npawb Xov Tooj Hu Thaum Muaj Xwm Ceev Ntawm Cheeb Tsam: 707-562-9113

SM.FS.R5inquiries@usda.gov

Chaw Tiv Tauj Rau Koom Haum Tshaj Xov Xwm: SM.FS.MediaDeskR5@usda.gov

Forest Service Tsab Ntawv Txib Hais Txog Kev Xaus Tseg Kev Kaw Hav Zoov Ntawm Cheeb Tsam Li Ob Hnub Ua Ntej Thaum Ntxov, Tshuav Tsib Cov Hav Zoov Yeej Tseem Raug Kaw Tseg Raws Li Cov Tsab Ntawv Txib Ntawm Lub Zej Zos

VALLEJO, Calif., — Lub Cuaj Hlis Ntuj. 14, 2021. Feem Forest Service ntawm Teb Chaws Mes Kas Lub Thawj Fab Saib Xyuas Hauj Lwm Txog Kev Ua Liaj Ua Teb Ua Qoob Ua Loo (United States Department of Agriculture, USDA) Nyob Rau Cheeb Tsam Pas Xis Fiv (Pacific) Sab Hnub Poob Qab Teb yuav muab tsab ntawv txib hais txog kev kaw cheeb tsam uas cuam tshuam txog rau Cov Hav Zoov Hauv Lub Teb Chaws hauv xeev California xaus tseg rau thaum 11:59 pm hnub Wednesday, Lub Cuaj Hlis Ntuj 15, li ob hnub ua ntej yuav txog hnub xaus rau Lub Cuaj Hlis Ntuj 17 nod. Li cas los xij, cov kev kaw hav zoov feem ntau yeej tseem raug kaw li qub thiab yuav raug tauj sij hawm ntxiv mus kom txog ntua rau thaum ib tag hmo Lub Cuaj Hlis Ntuj²² nyob rau ntawm Los Padres, Angeles, San Bernardino, thiab Cleveland Cov Hav Zoov Hauv Lub Teb Chaws hauv Sab Qab Teb Xeev California vim los ntawm cov txuam thawj tseeb hais txog fab huab cua thiab hluav taws hauv lub zej zos, ua ke nrog rau keeb cag kev tshwm sim xuaj qhaus (ib ntus) txog ntawm cov chaw muab kev pab cuam ntsig txog kev tua hluav taws uas pab txhawb nqa kev tua cov hluav taws kub hnyiab loj nyob rau hauv lwm cov cheeb tsam ntawm lub xeev ntawd.

Dhau ntawm plaub Cov Hav Zoov Hauv Lub Teb Chaws uas tseem yuav raug kaw tseg nyob rau hauv Sab Qab Teb Xeev California lawm, yeej tseem muaj qee cov av hauv Lab Npauv Kev Tswj Xyuas Hav Zoov Hauv Lub Teb Chaws uas nyob thoob plaws hauv lub xeev tseem raug kaw tseg raws li cov ntawv txiv hais txog kev kaw tseg hauv lub zej zos hauv cov cheeb tsam uas tseem muaj cov hluav taws kub hav zoov ua ntu zus txhawm rau xyuas kom paub tseeb hais tias muaj kev nyab xeeb rau zej tsoom sawv daws. Qhov no muaj xam nrog rau Hav Zoov Thoob Teb Chaws Ntawm Eldorado hauv Sab Qaum Teb Xeev California, uas muaj ib tsab ntawv txib hais txog kev kaw hav zoov tseg mus kom txog ntua rau Lub Cuaj Hlis Ntuj 30 tib si. Tsis tas li ntawd yeej tseem siv tau cov kev txwv tsis pub muaj hluav taws nyob thoob plaws tag nrho Cov Hav Zoov Hauv Lub Teb Chaws hauv xeev California txhawm rau tiv thaiv kom tsis txhob muaj hluav taws kub hnyiab tshiab ntxiv lawm. Thov mus saib rau ntawm lub Hav Zoov Hauv Lub Teb Chaws uas koj npaj yuav mus saib ntawd txhawm rau nrhiav kom tau cov lus qhia tshwj xeeb txog ntawm cov kev kaw tseg thiab cov kev txwv.

“Tam sim no peb tseem tab tom ntsuas (ntsuam xyuas) cov zwj ceeb huab cua thiab hluav taws nyob rau hauv xeev California, ua ke nrog rau cov chaw muab kev pab cuam ntsig txog kev tua hluav taws nyob rau cheeb tsam thiab ntawm teb chaws uas muaj pab rau peb es kom peb thiaj li muaj peev xwm xyuas kom paub tseeb hais tias muaj kev nyab xeeb rau zej tsoom sawv daws thiab peb cov neeg tua hluav taws,” Tus Neeg Saib Xyuas Hav Zoov Nyob Rau Cheeb Tsam hu

ua Jennifer Eberlien tau hais li ntawd. “Tam sim no muaj qee cov txuam thawj tseeb mas haj yam pab tau zoo dua qub, yog vim li ntawd kuv thiaj li tau txiav txim siab muab tsab ntawv txiv hais txog kev kaw tseg ntawm cheeb tsam nod xaus tseg. Kuv xav thov ua tsaug rau zej tsoom sawv daws thiab peb cov khub koom lag luam rau lawv txoj kev ua siab ntuj ntev thiab kev nkag siab nyob rau cov sij hawm muaj kev nyuaj siab no.”

Cov txuam thawj tseeb uas ua rau qhov kev txiav txim siab no tshwm sim muaj xam nrog rau:

1. Kev muaj ntau zuj zus ntawm lub chaw chaw muab kev pab cuam ntsig txog kev tua hluav taws uas npaj ntsoov los mus pab xeev California vim muaj kev txog kev phom sij ntsig txog hluav taws nyob rau lwm cov cheeb tsam ntawm lub teb chaws kom muaj tsawg.
2. Cov pab npauv huab cua ntawm cheeb tsam thiab cov cheeb tsam uas muaj ntuj siab,dej nag thiab huab cua cuam tshuam uas dhau ua rau muaj kev sib txawv thaum cov caij nyoog hloov pauv mus, uas ua rau muaj cov zwj ceeb zoo xib xws tsawg dua nyob thoob plaws xeev California. Qhov chaw uas tseem muaj kev phom sij txog huab cua thiab hluav taws kub hnyiab siab, yeej tseem muaj cov kev txwv ntsig txog cov tw hluav taws thiab cov kev kaw tseg nyb rau hauv lub zej zos thiab tej zaum kuj tseem yuav raug muab ntxiv rau qee qhov chaw yog hais tias tsim nyog.
3. Qhov siab kawg nkaus ntawm kev mus ncig saib ua si nyob rau lub caij ntuj sov tau muaj tsawg heev li lawm txij li thaum lub qab lim piam ntawm Hnub So Ua Kev Zoo Siab Rau Cov Neeg Ua Hauj Lwm. Zej tsoom sawv daws yog ib tus khub koom lag luam uas tseem ceeb nyob rau hauv kev txo kev pheej hmoo thiab kev rov qab tsim kom muaj yam muaj kev lav paub txog tes hauj lwm hais txog ntawm peb Cov Hav Zoov Hauv Lub Teb Chaws.
4. Peb lees paub txog lub luag hauj lwm tseem ceeb ntawm Cov Hav Zoov Hauv Lub Teb Chaws uas muaj rau cov neeg txoj kev txhawb nqa kev ua neej nyob thiab kev zoo tsim nyog ntawm lub neej txoj sia.

Cov zwj ceeb hluav taws uas pab tau zoo yeej tseem muaj nyob thoob plaws ntau cheeb tsam ntawm lub xeev, thiab zej tsoom sawv daws lu lub luag hauj lwm ntawm fab lev rov tsim ua dua yam muaj kev lav paub txog tes hauj lwm mas yeej ib txwm tsis yog ib qho uas tseem ceeb dua ntais. Peb thov ceeb toom qhia rau cov neeg qhua uas tuaj saib kom xyaum ua kom muaj kev zoo txaus ntawm tus kheej nyob rau lub sij hawm mus ncig saib Cov Hav Zoov Hauv Lub Teb Chaws, ceev faj txog cov zw hluav taws nyob rau hauv cheeb tsam uas koj tab tom mus ncig saib ntawd thiab ua raws li cov lus qhia txhawm rau tiv thaiv kom tsis txhob muaj tib neeg ua rau muaj hluav taws kub hav zoov mus ntxiv lawm. Cov kev xyaum ua uas zoo tshaj plaws muaj xam nrog rau:

- Cov lus qhia paub txog ntawm lub zej zos kom muaj kev ceev faj hais txog ntawm cov kev taug thiab cov chaw teeb yeej pw xub tsuag, tshwj xeeb mas yog cov kev txwv tsis pub muaj hluav taws thiab cov kev kaw tseg. Feem ntau, cov qhov txos siv rau ntawm yeej pw xub tsuag uas muaj daim tom xib kaw lub ncauj plawv tej zaum kuj yuav tso cai rau siv tau.
- Ua pob tw sib nquag txog rau koj li kev ua zoo xav txog kev tiv thaiv kom tsis txhob muaj hluav taws ntxiv lawm. Kev haus luam yeeb, kev nres tsheb rau hauv tshav puam, khoom siv uas txais taws, thiab lwm cov dej num (hauj lwm los sis kiv cab kas) uas tuaj yeem ua rau muaj kev txais hluav taws thaum muaj cov zwj ceeb huab cua kub sov.
- Tus Kab Mob Khaus Viv-19 (COVID-19) los yeej tseem yog ib qho kev txhawj xeeb. Tswj kev nyob kom sib nrug deb yam tsawg li li rau fij (feet) ntawm lwm tus.
- Tsis txhob sib sau nyob ua ke ua pab pawg thiab thov ua raws li cov lus qhia tshiab tshaj plaws uas muab tuaj ntawm tsoom fvv cov neeg ua hauj lwm.
- Sib txuas lus nrog lwm tus neeg yog hais tias koj hla dhau mus lawm. Ceeb toom rau cov neeg siv txoj kev paub txog ntawm koj qhov kev tshwm sim thiab rhais ruam mus rau ntawm ib sab txhawm rau tso kev rau lwm tus tau hla dhau mus.

- Muab koj cov khib nyiab (khoom vuab tsuab) ntim kom zoo tseg thiab muab tso nrog txhua yam khoom uas koj nqa nrog nraim thiab siv.
- Tej zaum kuj yuav tsis muaj tag nrho cov kev pab cuam, yog li ntawd thov ua tib zoo npaj mus raws txheej txheem.

Ntau tshaj 7,404 cov hluav taws kub hav zoov tau raug kub hnyiab xam muaj li ntawm 2.25 sawm ev kawj thooob plaws tag nrho cov kev tso cai nyob rau hauv xeev California. Lub teb chaws yeej tseem nyob rau Theem Ua Kev Npaj Thib 5 (PL5); Cheeb Tsam Hauv Pes Thiab Huab Cua Hauv Sab Qaum Teb Xeev California yog nyob rau theem PL5, thiab Cheeb Tsam Hauv Pes Thiab Huab Cua Hauv Sab Qab Teb Xeev California tau nce mus rau theem PL4 lawm.

Hav Zoov Hauv Lub Teb Chaws Ntawm Humboldt-Toiyabe mas lj dav heev nyob rau hauv xeev California tab sis mas yog nyob rau hauv Cheeb Tsam Uas Muaj Toj Roob Hauv Pes (Intermountain Region (R4)) thiab yuav tsis raug kev puas tsuaj tsis zoo los ntawm tsab ntawv txib hais txog kev kaw tseg yav dhau los.

Feem Saib Xyuas Forest Service thov ua tsaug rau peb cov khib koom lag luam thiab zej tsoom sawv daws rau lawv txog kev koom tes thiab kev nkag siab. Cov pej xeev uas muaj lus nug tshwj xeeb hauv lawv thaj chaw yuav tsum tau sab laj nrog lawv feem saib xyuas hav zoov lub vas sab (website) hauv lub zej zos los sis ntawm cov nplooj ntawv xov xwm (social media) kom paub cov ntaub ntawv qhia ntau ntxiv.

###

Hwm Tsav Qoob Loo Ntawm Teb Chaw Mes Kas (USDA) yog ib tug pab, tug nais, thiab tus qiv uas muab kev vaj huam sib luag.